

十住斷結經卷第十二

莫三

淑執奮迅
軌俱水緒
蠕軟音
惣和劬
十住斷結經卷第十三

莫四

姚秦涼州沙門竺佛念

譯

爾時座上百億衆生及諸大會菩薩之人及天帝釋梵天王兜術天談天化自在天他化自在天乃至一究竟天各各狐疑欲得聞說至道之要道者無相而不可見云何如來言有道乎
爾時世尊知來會心中所念尋告最勝菩薩曰卿等欲得宣暢微妙至道之要乎對曰如是世尊願樂欲聞佛告最勝及菩薩摩訶薩天龍鬼神阿須倫

旃陀羅摩休勒人與非人解道無迹寂然無名假使最勝道有處者菩薩摩訶薩不於平等法中成最正覺以其道果無處所故菩薩

摩訶薩成等正覺

佛復告最勝菩薩道智定意有十云何爲十不造身行亦無所著不造口行亦無所著不

造意行亦無所著遊佛境界不與佛想教化衆生遠無礙智皆使萌類解道無道復使衆

生成最正覺放大光明靡所不照一一光明無量化佛一一化佛演說極深六度無極恒轉法輪發菩薩心解我無我亦無壽命身心自然乃謂爲道其自然者覺道無智亦不有

智覺無所覺都不見覺言吾是道亦不見吾言我是道亦不見我我人壽命亦復如是一切衆智亦無形像

爾時最勝菩薩前白佛言設道無形而不可見如今轉法輪演說四道果證言須陀洹斯陀含阿那含阿羅漢辟支佛菩薩及佛何以

故說五陰薩云然四意止四意斷四神足五根五力七覺意八賢聖道何以故說淨佛國土教化衆生從一佛國至一佛國分別明慧六識更樂云何復說四等六度真如法性有道之名

是時世尊告最勝曰如汝所問蓋薩摩訶薩解了佛慧五分法身善權所有不見動轉見

動轉者則非道義遠離一切之所倚住推其法界亦無法界所以然者俱本無故無著道智如本淨故設轉法輪解了一切諸法無著是故最勝菩薩摩訶薩等於一切悉無所著亦不見生亦不見滅佛土清淨衆生亦淨又

莫四

見無量智慧光明是故菩薩摩訶薩應惣持

行立不退轉登菩薩位或入定意正受三昧

教化衆生淨佛國土無若干道忍一行故無言法智強爲設智菩薩大士當念修行化諸未悟皆無識想是謂最勝入一定意清淨道智一切無塵調未調者不計苦樂是常非常

若好若醜悉無想著無亂智者求索佛藏十力具足四無所畏四分別慧大慈大悲真如意性悉無所有皆虛皆寂分別報應至誠道智無起滅故謂空無想無願亦無所生是故最勝菩薩大士至道之要所論道者即虛空界也所以然者道則是空空則是道一而不二亦無若干

是時最勝菩薩前白佛言善哉善哉快說斯法爾時衆會之中天龍鬼神乾沓憇阿須倫迦留羅旃陀羅摩休勒人與非人心自念言如來今日爲諸大會演布道智無比之法滿衆生願隨其所趣此最勝菩薩何時當成最

正覺無上道乎

佛知諸天龍神心之所念即告四部之衆此最勝菩薩却後無數三百三十阿僧祇劫當成爲佛号曰明慧至真如來等正覺世界曰無量劫名清淨其佛如來翼從弟子九千九百九十二億壽百二十小劫爾時衆會聞佛

莫四

三

授莉各自發願樂欲生彼佛世界佛即告曰
如汝所願必生不疑

佛復告最勝曰今此大衆多有忉利天常與
阿須倫共鬪或時諸天得勝阿須倫不如或
時阿須倫得勝諸天不如各各共鬪懷其怨
結各有恚毒不能捨離最勝曰伏惟天尊以
權方便與說道智虛無之法令諸天人及阿
須倫各各和合興慈悲心

爾時世尊告諸會者道者無形亦不可見三
毒根本永無本末在世修道惟信爲強人之
行慈善神衛護十方諸佛皆共稱歎今世後
世積德無量此間浮利內蜎飛蠕動有形之
類皆當歸於滅盡之法命如電燄亦如野馬
鏡中之像水上浮泡合會有離生者必死汝
等受形不免此患雖受天壽故在三途當自
謹慎求離此道汝等諦聽受吾教誡爾時四
部之衆僉然喜慶各自興敬欲聽如來道法
之教爾時世尊告四部衆汝等諦聽善思念

之菩薩摩訶薩當念修行八解脫法門云何
爲八若善男子善女人奉律無缺護身口意
行四等心慈悲喜護常念親近隨善知識然
熾三寶常念志求無上佛道所聞正法爲人
講說所演道教不說小乘勸進衆生修行大
道或時菩薩講演大乘平等無二不見受教
猶如虛空無形無像佛所建立不可思議包
容萬行無法不周或說空無虛空寂然之行
或說五分法身譬如有人得隨意摩尼珠在
大衆中欲使珠之威德青黃白黑亦使衆人
同其色像菩薩摩訶薩亦復如是隨衆人心
意所思念輒演道智無窮之法各令歡喜志
崇佛道盡導將示智慧法門益於衆生而發
大道如是菩薩發弘誓心濟度衆生亦不見
度猶如虛空往來無礙菩薩發意度人如是
亦不見衆生有得度者佛告最勝汝般泥洹
供養舍利當經十二中劫一切衆生皆悉奉
事無因緣者爲造因緣無救護者爲設救護

莫四

無覆蓋者爲作覆蓋爾時人民之類皆當供養華香妓樂稽首自歸一一舍利皆放光明神德變化見者歡喜皆由弘誓發願所致知佛威神殊特之變巍巍堂堂靡不照曜布現無量智慧光明緣是興發無上道意其中衆生發意錯者或成緣覺聲聞之法或生天上逮得人身舍利分布八方上下天龍鬼神乾沓怛阿須倫迦留羅旃陀羅摩休勒人與非人蚊行喘息有形之類皆當供養五樂自娛佛復告最勝汝作佛時地黃金色七寶具足金銀珍寶碑磲瑪瑙珊瑚琥珀水精琉璃或有衆生欲得供養全身舍利輒如其願皆悉從意數千萬億全身舍利布現於世經法流布十七中劫爾時座上有菩薩名曰無量覺慧心自念言最勝大士遺身舍利分布在世興發道心度人多少爲有幾許

佛知其意心中所念便告之曰止止賢士勿宣斯言莫以已身限礙之智度量如來無礙

之慧三昧定意光明舍利接度衆生非心所度非意所察如來神德道智自在又諸佛所化權現變異非是辟支聲聞所逮菩薩摩訶薩得寂定三昧都無近遠想著定念普遊十方郡國縣邑天宮龍宮諸算神宮丘聚人中曠野天上五道所趣各各示現全身舍利一莫四

一舍利放光明者解說六度無比之法空無相願大慈大悲四恩明慧分別虛寂暢達定意供養舍利平等無二施心牢固無增無減是謂菩薩摩訶薩入寂意定心三昧便能分別內外六情何以故名爲六情所謂六情者若眼見色不興色想解色外物而興眼識便起七十四塵勞之患何謂七十四欲識十五色識十五有想無想識十五生陰十五中陰十四佛告善薩摩訶薩於眼識中興此塵勞便起眼識復次菩薩摩訶薩設族姓子族姓女若耳聞聲不興耳患解聲外物而興耳識便起七十四塵勞之患欲耳識十五色耳識

十有想無想耳識十中陰及受形陰三十九
佛告菩薩摩訶薩於耳識中興此塵勞便起
耳識復次菩薩摩訶薩若臯艱香不興臯識
解臯外物而興臯識便起七十四塵勞之患
欲界臯識十五色界十五有想無想四空定
四十四佛復告菩薩摩訶薩設族姓子族姓
女舌識知便而興舌患於中分別悉了無主
欲中識中便能興起七十四塵勞之患何謂
七十四欲十五色十五有想無想及至中陰
四十四菩薩摩訶薩復當思惟起滅之法外
更內樂鹿細塵勞一一分別悉無所有便於
更樂以興身識乃興七十四塵勞之患何謂
七十四所謂七十四者欲十五色十五有想
無想及至中陰四十四菩薩摩訶薩復當思
惟意法之行法生則生法滅則滅亦不見生
亦不見滅愚惑之人於中興起意識之想便
起七十四塵勞之患云何七十四塵勞之患
欲十五色十五有想無想及中陰四十四佛

復告菩薩摩訶薩云何道智菩薩於欲界道
智十五所謂十五者觀世有七何謂為七一
者詏道二者信言三者受教四者在諦或便
退轉五者得報猶豫六者意進身礙七者目
觀不獲倚佛深藏有八事何謂為八一者佛
法無像設爲窠窟二者現在不住念計常存
莫四三者過去永滅誓言不覩四者當來未至言
無生滅五者緣苦致患自招緣對六者未盡
言盡方便習行七者見道捨道始從一進八
者佛法無二意在參差是謂菩薩摩訶薩於
欲界道智十五塵勞之行云何色十五塵勞
之行所謂十五者一爲恩潤二心不移三著

天樂四忘罪福五謂求久六無痛痒七在正
地八行平均九忍不起十道無變十一想具
十二著色十三自在十四遠照十五羯磨是
謂菩薩摩訶薩徃適色天當念遠離十五塵
勞之行云何菩薩摩訶薩有想無想及中陰
遠離四十四塵勞之行於是菩薩入神通定

意無形三昧往至彼間說四十四識著之行
 云何四十四於是菩薩與識說行一者識我
 無本二者捨色無形三者有痛受報四者想
 不牢固五者行本末斷六者倚空無慧七者
 寂然息定八者無想知滅九者在識不亂十
 者忘意非意十一者亦不在意十二者識不
 在道十三者亦不在俗十四者如余性空十
 五者聞響無形十六者念道無盡十七者謂
 空無餘十八者泥洹清淨十九者覺了趣寂
 二十者癡心恩潤二十一者還現中陰二十
 二者見中陰受形二十三者與中陰形交往
 二十四者知所從來二十五者見彼中陰衆
莫四

生往來二十六者見中陰形生者滅者二十
 七者自見受形受地獄陰二十八者有受罪
 形不受福形二十九者見受天陰有受福者不受
 福者三十者見受人陰有受福者不受
 福者三十一者見受餓鬼中陰有高有卑者
 三十二者見受畜生陰重者輕者三十三者

或從天陰還入天陰斯由死時識不亂故三
 十四者或從天陰而生人陰斯由本識雖猛
 無慧三十五者或從天陰受畜生陰斯由識
 淺意興亂想三十六者或從天身受餓鬼陰
 斯由死時意貪無厭三十七者或從天身受
 地獄陰斯由神誓誹謗賢聖三十八者或從
 人陰復受天陰斯由禁戒法清淨三十九者
 或從人身受畜生陰斯由行本意不專一四
 十者或從人陰受餓鬼陰獨善其美不廣普
 故四十者或從人陰受地獄陰先受其福
 後受其禍四十二者或從畜生陰受天人陰
 斯由造福畢故不造新四十三者或從畜生
 陰受餓鬼地獄陰斯由無救入無開罪四十
 四者陰受陰形神識不錯是謂菩薩摩訶薩
 有想無想及中陰形四十四塵勞之患
 佛復告最勝菩薩摩訶薩復當思惟虛空神
 識中陰或從空識生識陰或從識陰受不用
 處陰或從不用處陰受無色天陰從無色天

陰受六天陰乃至一究竟天從一究竟天復受色無色天陰人受天陰形如一仞半尋往不中留人受人陰形如三肘半極遲經七日或六日五四三二一日人受畜生陰極遲三日半或二一半日人受餓鬼陰極遲半食頃或彈指之間人受地獄陰形如三仞半或有

出者不經旬日死輒至彼菩薩摩訶薩皆遂人教化爲說妙道心速悟者不受衆形中間得道畜生受人陰形如三肘半極遲經四日三二一日畜生受天陰形如三仞半極遲一日半或一日半日彈指之頃畜生受餓鬼陰形如七仞或有出者極遲經五日或四三二莫四

八

一日畜生受地獄陰形如一仞半極遲半食頃或彈指之間餓鬼受天陰形如半仞半極遲經一日或半日食時或彈指之間餓鬼受人陰形如二肘半極遲四日半或三二一日餓鬼受畜生陰形如四仞半極遲十五日十四三三一日十日九八七六五五四三二一日餓

鬼受地獄陰形如五仞半極遲九十日或有出者八七六五四三二一亦復如是復次善薩摩訶薩當復如是觀察地獄衆生受彼天陰形如四仞半極遲經五月四三二一月若地獄陰受人中陰者形如二肘半極遲經三月二一月地獄受畜生陰形如八肘半極遲

三月半二一月亦如是地獄受餓鬼陰形如九仞極遲經三日或時天陰應受人陰中間未至還受天陰斯等利根經不涉苦或時天陰應受人陰忽然便在畜生陰斯等之類福盡行至或時天陰應受畜生陰忽然便在生人中陰斯等之類不毀戒度或時天陰應

受餓鬼陰忽然便在畜生陰斯等之類奉修頂忍或時天陰應受地獄陰忽然便在餓鬼陰中斯等之類報果以熟生人道中或有人陰受餓鬼中陰衆生忽然便在天中陰斯等之類定意不亂故或有應受三惡道中陰忽然便受人天中陰斯等之類有智通慧意

莫四

廣博故或有應受一究竟中陰忽然便在光
音中陰斯等之類小乘一故或有應受遍淨
中陰忽然乃在有想無想中陰斯等之類有
智慧不達故佛告最勝菩薩摩訶薩坐道樹
下以一切智無礙等智執六通智辯才慧智
了音響智無退轉智遍觀三千大千世界誰
受形者不受形者誰受中陰不受中陰有幾
衆生在於人道有幾衆生在人中陰菩薩復
觀人陰衆生受四陰形皆知多少佛告最勝
菩薩摩訶薩觀天道衆生在天中陰復觀天
道衆生趣於四道皆知多少或時菩薩摩訶
薩以六神通不退轉智觀畜生受形衆生有
幾衆生受畜生中陰轉受四道中陰皆知多
少菩薩復觀受餓鬼衆生有幾衆生在餓鬼
中陰應受四道皆知多少或時菩薩摩訶薩
觀受地獄衆生有幾衆生受地獄中陰趣於
四道皆知多少佛告最勝菩薩摩訶薩以無
退轉智遍觀五道中陰有受形不受形者或

有處在人陰忽然便在天陰形於天陰形即
取滅度竟不受天人身或有處在天中陰
忽然便在人中陰形便取滅度不受天人身
身或有處在畜生中陰於畜生中陰忽然便
在人中陰於人中陰便取滅度不受畜生人
形或有處在畜生中陰於畜生中陰忽然便
在天中陰於天中陰便取滅度不受畜生天
身或有處在餓鬼中陰於餓鬼中陰忽然便
在人中陰於人道中陰便取滅度不受餓鬼
身人身或有處在餓鬼中陰於餓鬼中陰忽
然便在天中陰於天中陰便取滅度不受餓
鬼天身或有處在地獄中陰於地獄中陰忽
然便在人中陰於人中陰便取滅度不受地
獄人形或有處在地獄中陰忽然便在天中
陰於天中陰便取滅度不受地獄天形是謂
菩薩摩訶薩以不退轉智遍觀三千大千世
界有受形者不受形者有罪有福皆悉知之
爾時最勝菩薩及萬八千人十萬天人天龍

鬼神犍沓惄阿須倫迦留羅甄陀羅摩休勒
即從座起叉手長跪白佛言異響同音歎未
曾有善哉善哉世尊快說中陰無形之法無
限無量不可思議非是羅漢辟支所度我等
願樂欲見中陰形質唯願世尊顧愍下劣衆
生得蒙洗除永去心垢

爾時世尊告諸會者善哉善哉快問斯義吾
今與汝現其神足使八部之衆得覩中陰形
質爾時世尊即入無形觀三昧普見五道中
陰衆生有受形者不受形者有罪有福皆悉
知之爾時座上衆生亦復見彼五道中陰形
質又聞如來與說道教即於彼形諸塵垢盡
得法眼淨或有發于大乘之心或有說于志
密之行隨類教化無所染著亦復見彼中陰
形質從一住地至于十住地見彼有得一生
補處坐樹王下降伏無數億百千魔身黃金
色衆相具足亦有諸天帝釋梵四王來請菩
薩演說法響普聞三千大千世界復見異方

諸佛世尊造化菩薩陳說名號國界遠近清
淨之行或見在前歎說如來十号之法或有
興教致供養者或以雜偈歎如來之德此國
衆生在彼中陰種種觀見神足變化不可思
議復見如來出舌相光明一一光明皆有化
佛及八部衆前後圍遶說無畏法智不退轉

莫四

十一

諸法深藏皆悉具足或授弟子緣覺記荅於
當來世汝當成佛号字如是爾時萬八千人
及百千天子即於座上皆發無上正真道意
爾時世尊還捨神足復坐如故告四部衆如
來神德不可究盡又有四法不可思議云何
爲四一者如來志密不可思議二者衆生根
本不可思議三者如來道慧不可思議四者
如來音響不可思議復次最勝復有四事不
可思議云何爲四一者如來儀則不可思議
二者如來法座不可思議三者如來教誡不
可思議四者金剛定意不可思議復有四事
不可思議云何爲四在道樹下意如虛空不

可思議亦不見是亦不見非不可思議以小爲大以大爲小不可思議言必有濟亦不見濟不可思議復有四事所應行法不可染著言有吾我亦不見生復無有滅無造無作亦無著斷一切衆生根本清淨是謂最勝菩薩摩訶薩所應行法無所染著云何最勝世尊

有邊際乎對曰無也世尊復告最勝諸有正法從法界生本無邊際爲有有耶爲無無耶對曰世尊不從有有不從無無云何最勝諸無際法不從有有不從無無云何成等正覺乎對曰出尊無有成正覺者

佛告最勝如來坐道樹下以無際之法無起

滅教皆虛皆寂自然無智亦不有智以無有智誰有知乎是故最勝吾我之法權詐不實亦不見道道不見道無見無聞無慧無著解法界亦復如是不見起滅爲作窠窟有受教者亦不見文字章句如是最勝解知諸法虛空無形設有愚夫無智之士安處虛空者不

平對曰非也世尊一切諸法如余法性真祭本無斯無所有今言有道大慈大悲四意止四意斷四神足五根五力七覺意八賢聖行空無相願六增上法十八不共不出斯法而得成道道者無形亦不可見以無形法乃謂爲道道亦無來亦不見去是謂最勝乃謂爲

莫四

十二

道若使如來從法界生從法界滅乃是生死纖濁之行以無生滅故謂爲道

佛告最勝菩薩摩訶薩入虛空觀三昧於諸境界行無染禪以此禪法遊至無礙亦無錯亂非身非心無等不等思惟空定不見剛柔志惟憺怕無應無所應亦不見應亦不見不應是謂最勝菩薩空定無限無量不可思議非是羅漢辟支所及譬如最勝焚燒山野叢林草木火非叢林叢林非火亦不是火火不離火當知菩薩結使亦然結非是道道非是諸法清淨平等本無或以正受觀察法際而

致平等無染無汙心不在內亦不遊外色無所住亦不見住度於一切在顛倒者設法無形是謂爲道或以五通三達妙智周流四域欲化衆生化自有化亦不見化是謂爲道超外五通或離聲聞緣覺定意不見五通緣覺定意是謂爲道復以定意正受三昧觀察決

本法從何生爲從何滅亦不見生亦不有滅乃謂爲道有爲俗法無爲道法亦不見俗復不見道乃謂爲道有漏是塵無漏清淨亦不見漏亦不有漏十善行迹十惡法本亦不見善復不有惡利衰毀譽稱譏苦樂亦不見苦復不見樂不見成道亦不在俗不見說法賢

莫四十三聖默然是謂最勝菩薩摩訶薩入空正受乃謂爲道

復次最勝菩薩摩訶薩復當思惟虛空藏三昧不見有餘無爲住壽經劫不見無餘無爲無有變易乃謂爲道是謂菩薩摩訶薩建立空慧善權方便從一佛國至一佛國供養諸

佛承事諸佛世尊教化衆生淨佛國土不見色相爲現色像聲香味細滑識亦復如是不見有度至於泥洹不見流轉處在生死若善男子善女人諷誦執持懷抱不忘便得現在八功德福云何爲八觀諸空法信不猶豫得佛深藏意不快弱意淨無垢無所染汙心如金剛不可沮壞所行真正不著魔界淨佛國土度未度者心廣大乘不樂小智親善知識不著外部所求真觀無我人想是謂菩薩摩訶薩獲八功德解知世法無我無人無壽無命於本無法乃應正受常以禪定至于滅度開化衆生不以爲倦是爲見法乃應爲道以見諸法寂寘無形無行無處是謂最勝菩薩摩訶薩空非有空亦非有空空非空者寂寘無名名亦不有不無是謂爲道或時菩薩遊諸法觀不倚三處不著三有如是菩薩在人天世發弘誓心廣度羣萌不見衆生有得度天世發弘誓心廣度羣萌不見衆生有得度者是謂菩薩摩訶薩建立空慧永無所著最

勝當知如來周旋入無形定意非是已道所

能曉了唯佛明佛智慧無礙無著無染無所
點汙於諸境界無所染著設得深法不以爲
歡不著出俗八無閑業四辯無礙不滅不然
非不有然不起不生非不有生過去永滅非
有過去現在不住亦不有住當來未起不見
生者是謂菩薩摩訶薩無著無礙不著三處
不染三有

爾時座上九萬衆生十一那術天人及諸天
龍鬼神即從座起偏露右臂長跪叉手白佛
言我等鄙賤得廁淨法乃能宣暢無形之法
無標識法唯願世尊使將來世生人天中陰

莫四

佛土境界即於彼處受無爲證同日同時共

一國土

爾時世尊哂然而笑口出五色光遍照三千

大千世界繞身三匝還從口入阿難長跪叉

手白佛言自惟侍佛三十年餘未曾見光有
踰此者唯願世尊當爲敷演爲將來會者永

無塵暗

爾時世尊告阿難曰汝今見此九萬衆生十
一那術天人於此命終皆當生微塵空界
中陰已生中陰各各以次成佛皆同一號号
無色如來至真等正覺明行成爲善逝世間
解無上士道法御天人師号佛世尊純以菩

薩以爲翼從於彼中陰住壽一劫般泥洹後
遺法一劫以次成佛中間不絕爾時世尊說
此法時遍淨菩薩及無數衆生悔受人形及
彼天身在座號泣不能自勝佛知而問曰善
男子何爲悲泣未曾所見遍淨白言我等亦
欲樂生彼土不在廁豫故悲泣耳佛告遍淨

止勿說斯言汝昔發願弘誓心異何爲中
欲生於異國賢劫名滅汝當次繼号爲遍淨
如來至真等正覺十号具足

身口意品第二十五

爾時最勝菩薩前白佛言一切諸法皆如幻
化云何幻化法中教化衆生淨佛國土云何

莫四

十五

淨除三想我人壽命云何從一佛國至一佛國承事供養諸佛世尊

佛告最勝善哉善哉乃能於如來前作師子乳諦聽諦聽善思念之吾當與汝敷演其義最勝當知菩薩摩訶薩常念修身口意行法觀了諸法如幻如化去來現在悉無倚著

爾時座上有菩薩名曰歡樂前白佛言世尊諸有衆生樂深法本兼復供養淨身口意諸根純淑是謂菩薩慧

增上菩薩曰解知諸法無離無染於無染法

淨身口意是謂菩薩慧

等慈菩薩曰諸有行慈普愍一切解知文字

盡無所著不見身口之所行法於中便得清淨法者是謂菩薩慧

軟首童真曰一切諸法本說不見說不見法想於中淨身口意是謂菩薩慧

燄光菩薩曰佛法無二亦不見二息諸結使盡無起滅於中淨身口意是謂菩薩慧

蓮華行菩薩曰遍能遊至十方世界見淨世界不起淨想於中淨身口意是謂菩薩慧

光明菩薩曰一切諸法歸無所歸於身口意亦無起滅於中淨身口意是謂菩薩慧

法淨菩薩曰一切諸法悉歸於空於正受定攝意不亂於中淨身口意是謂菩薩慧

蓮華行菩薩曰於本無法無盡之行於無盡法淨身口意是謂菩薩慧

正等菩薩曰知苦知樂亦無苦樂於中淨身口意是謂菩薩慧

除怒藏善薩曰一切諸法解無起怒於無起怒法淨身口意是謂菩薩慧

勇慧菩薩曰摠持法門不見歸趣於無歸趣法是謂菩薩慧

莫四

賢護菩薩曰名号虛詐不可護持愚鈍凡夫

謂爲真實於中淨身口意是謂菩薩慧

月光菩薩曰如如如如余性本際淨修梵行不

見如如如余性於中淨身口意是謂菩薩慧

善來菩薩曰以戒德香普熏三千大千世界

香如風等亦不見香亦不見風於中淨身口

意是謂菩薩慧

不思議菩薩曰無爲不離有爲有爲不離無

爲解知有爲無爲悉無所有於中淨身口意

是謂菩薩慧

潔淨菩薩曰諸生淨居天不見天福清淨之

行於中淨身口意是謂菩薩慧

至誠菩薩曰不見至誠當犯四法不見欺詐

當受後報於中淨身口意是謂菩薩慧

善觀菩薩曰一切色想覺無色想於中淨身

口意是謂菩薩慧

寶瓔菩薩曰處在生死觀見衆生有苦有樂

復自觀身苦樂如彼於中淨身口意是謂菩

薩慧

無毀根善薩曰於諸結使知本清淨於中淨

身口意是謂菩薩慧

常笑善薩曰於諸根法不見吾我亦復不見

造吾我者於中淨身口意是謂菩薩慧

常悲菩薩曰行四等心慈悲喜護遍滿佛國

不見四等有救衆生於中淨身口意是謂菩

薩慧

梵意菩薩曰邪見衆生安處正見於正見中

不見邪正於中淨身口意是謂菩薩慧

布演菩薩曰弘誓心固不爲小道所屈於中

淨身口意是謂菩薩慧

勇士菩薩曰拔姪衆生不染三有於中淨身

口意是謂菩薩慧

心勝菩薩曰建立慧忍恒修精進於中淨身

口意是謂菩薩慧

雷音菩薩曰於諸善本觀其法界不增不減

不見諸法有窠窟者於中淨身口意是謂菩

薩慧

無厭患菩薩曰以恒沙劫以爲一日十五日爲半月一二十日爲一月十二月爲一歲於中經歷億百千劫乃一佛出照曜世間復以方便供養恒沙如來淨修梵行後方便決修善薩道未曾厭患生死之苦於中淨身口意是

謂善薩慧

住壽菩薩曰恒以神足化六十二見於六十二見淨身口意是謂善薩慧
盡意善薩曰觀諸法本空無所有生者自生滅者自滅法法相生法法相滅生不知生滅不知滅於中淨身口意是謂善薩慧

心廣菩薩曰心所思念出息入息一一分別不失次第亦不見出亦不見入於中淨身口意是謂善薩慧

善勝善薩曰分別三世爲從何起爲從何滅亦不見起亦不見滅於中淨身口意是謂善薩慧

持禁菩薩曰不見持戒及以毀戒不見毀戒當入地獄不見持戒受天福報於中淨身口意是謂善薩慧

無畏菩薩曰修四神足於四意止不懷怯弱心本無本不見心本於中淨身口意是謂善薩慧

薩慧

莫四

十八

無量悲善薩曰諸有發心慈愍一切遊至他方無量佛界要度衆生不以爲倦亦不見度亦不見不度者於中淨身口意是謂善薩慧
寶施菩薩曰興隆四恩親近三寶惠施仁愛利人等利不見受報四恩之德於中淨身口意是謂善薩慧

毀根菩薩曰一切衆生視如赤子欲自護身當護他人安隱衆生至無爲岸不見滅度至彼岸者於中淨身口意是謂善薩慧

寂志菩薩曰佛不思議受報難量諸根寂定信無貪嫉於中淨身口意是謂善薩慧
護身菩薩曰成其佛道身獲相好及泥曰後

舍利分布四維八方上下充滿天龍鬼神無不宗奉亦不見舍利有教化者於中淨身口意是謂菩薩慧

香首菩薩曰一一毛孔出無量香一一香者出無量教濟度衆生無有窮極神足威神巍巍無量皆使衆生發無量道意其中錯誤衆生不應正真道者或成緣覺聲聞之道或生天上還復人身心不懷恨大道可貴亦不挾恥度於小者於中淨身口意是謂菩薩慧

弘誓菩薩曰於染無所染於世八法不興想著於中淨身口意是謂菩薩慧

愍掠菩薩曰道者爲二無道爲一亦不見一

莫四

十九

亦不見二於中淨身口意是謂菩薩慧

無上菩薩曰有佛有法不成覺道無佛無法乃成覺道亦不見成亦不見不成於中淨身口意是謂菩薩慧

奉德菩薩曰諸有衆生自立名號是男是女我人壽命解知本性悉無男女亦復不見從

彼生此從此生彼當知權詐合數之法非真非實於中淨身口意是謂菩薩慧

目見菩薩曰諸有色像解無色像彼色我識內外無形解色性空悉無起滅於中淨身口意是謂菩薩慧

妙錦菩薩曰吾我壽命本自無主如人外聲

耳識耳聞校計聲者本無形質於中淨身口意是謂菩薩慧

常住菩薩曰若於七法一一分別不關三處

不求五果於中淨身口意是謂菩薩慧

玄通菩薩曰寂不寂爲垢戒不戒爲垢忍不忍爲垢亦不見忍亦不見不忍解知忍辱無

寂不寂於中淨身口意是謂菩薩慧

香熏菩薩曰不見陰蓋睡掉之病慳貪諛謗憤亂犯戒於中淨身口意是謂菩薩慧

爾時最勝菩薩即從座起長跪叉手前白佛言善哉善哉世尊我亦願樂說淨身口意善

所住諸法幻化不可捉持譬如日月光現水中諸佛世尊亦復如是亦無生滅不取泥洹於中淨身口意是謂菩薩慧

佛告最勝云何族姓子汝觀何義於如來前而說此義住無所住乎答曰如來所住如如所住如衆生住云何如來所住如如所住如

衆生住乎答曰如衆生住如有爲住如無所住云何如衆生住如有爲住如無所住乎答曰如來所住住無所住云何從第一空義住乎答曰非也世尊云何族姓子如來所住如凡夫住乎對曰非也世尊曰非如來住非凡夫住云何從中成正覺耶答曰不從如來及

莫四

二十

凡夫法成正覺也云何族姓子如如至真於凡夫地有何差別對曰世尊欲使虛空有差別乎

佛告最勝一切諸法皆空皆寂無有差別最勝白佛以其諸法不可護持相無有相如如所住如無所住

爾時最勝菩薩問輞首童真言住云何爲住乎言無住云何無住耶輞首答曰所謂住者如如所住住無所住又曰解四梵堂住無所住故謂爲住住無所住最勝問曰吾所問住非四梵堂亦非一類或在閑靜或在聚落或在塚間或在樹下可謂此爲住乎輞首答曰

吾所謂四梵堂住心爲止止檢惡不起故謂爲住最勝問曰云何心爲止止輞首答曰慧義爲本故曰止止最勝復問慧者無本亦無究竟可從知見成止止乎輞首答曰如是如是如汝所言先自觀我然後淨慧最勝復問云何輞首先自觀我耶輞首報曰諸無我法

至竟如如我自無我無起無不起是謂我自觀我也最勝復問正使輞首爲從義得不從義得自觀我者爲觀佛像若使有我則有佛耶我自無我云何有佛亦不見言言亦無我云何觀佛像乎輞首答曰諸言觀我我即無我是謂觀我所以者何夫觀我者則觀諸法

莫四

觀諸法者則觀佛也佛者無形亦不可見最勝問曰頗有方便諸不成就可使至正見耶
輒首答曰有此方便諸不成就有爲境者安處正見又問云何輒首正尔便是正見耶
輒首答曰不以盡證亦不果報亦不取果報故謂正見又問云何爲見答曰不以慧眼見諸法非不慧眼見諸法不有爲見不無爲見諸法何以故夫慧眼者亦見有爲境亦見無爲境無有有爲眼見有爲境無爲境又問云何
輒首頗有方便從其等見成比丘果證耶
輒首答曰不從等見成其果證亦不離等見成其果證最勝當知皆由慚望五垢所成解此義者乃成果證最勝復問云何慚望五垢所成
輒首答曰垢爲心本心是道根道者無形不可見故成果證最勝又問道者無形不可見云何成果證輒首答曰吾所證道由其果證成果證者即非道耶凡夫愚人謂果證爲道乎莫作斯觀何以故道非果證果證非道

亦不離道亦不離果證最勝又問道以果證無差別耶
輒首答曰道者無爲而不可見果證有爲亦不可見是謂差別又問輒首如仁所言從有際至無際耶
輒首答曰諸法未生亦不見生非不有生生亦無生亦不見已生非不有已生夫已生者亦無已生諸法無當生非不有當生解知當生悉無所有是謂從有際至無際最勝又問不從有生至無際乎
輒首答曰從有生得至無際又問從無生得至無際乎
答曰如是從無生得至無際云何
輒首從有生得至無際從無生得至無際有何差別
輒首答曰生亦無生無生亦無生是謂差別最勝又問生既有形無生無名云何
爾時輒首報最勝曰吾與汝引喻有目之士以喻自解云何最勝虛空有形乎對曰無也又問空有正見耶對曰無也又問何謂爲空對曰空空也
輒首復問云何空空最勝報曰

諸法空空又問云何諸法空空最勝答曰諸法無言無說空如空輒首問曰諸法無言無

說云何空如空爾時最勝寂默不對

是時世尊告最勝曰善哉善哉族姓子真解無無泥洹之道道者無形亦不可見無言無教亦無受者說此無形法時一切衆生歎未曾有九千比丘有漏心解脫二萬七千天子諸塵垢盡得法眼淨復有千二百天與世人發於無上正真道意五千菩薩即於座上得不起法忍

爾時座上有無畏魔王自將其衆前白佛言我等愚惑永在盲冥今日始聞無形教法若有善男子善女人執持諷誦此經典者常當擁護至竟成佛不使留難於是呪曰

那羅迦羅阿毗呵呵持是擁護善男子善女人諷誦經典戢在心懷者

爾時梵王復從座起即將翼從前白佛言我當擁護善男子善女人執持諷誦此經典者

若百由延千由延內不使外邪得善男子善女人便即於佛前而說呪曰

伊摩鼻周那毗伽奢黎羅當擁護是善男

子善女人至竟成佛不使留難

是時釋提桓因復將翼從前白佛言若有善男子善女人執持諷誦此經典者我等當擁護是四

是時東方天王提頭賴吒將其翼從即從座起前白佛言我等當擁護是善男子善女人諷誦讀說此經典者常當擁護至竟成佛於

是時東方天王提頭賴吒將其翼從即從座起前白佛言我等當擁護是善男子善女人

諷誦讀說此經典者常當擁護至竟成佛於

是時南方天王毗樓勒伽即將翼從前白佛

言若有善男子善女人執持諷誦此經典者至竟成佛不使留難於是呪曰

是時南方天王毗樓勒伽即將翼從前白佛言若有善男子善女人執持諷誦此經典者至竟成佛不使留難於是呪曰

摩訶賜陀那賜 持是擁護善男子善女人
至竟成佛不使留難
西方天王毗樓博又將其翼從前白佛言若
有善男子善女人執持諷誦此經典者我當
擁護至竟成佛不使留難於是呪曰
伊昵彌尼奢奢爾 持是擁護是善男子善

女人至竟成佛不使留難

是時北方天王拘毗羅將其翼從前白佛言
若有善男子善女人執持諷誦此經典者我
當擁護至竟成佛不使留難於是呪曰
陀譬如陀羅譬 持是擁護是善男子善女人
至竟成佛不使留難

是時無畏魔王梵天王釋提桓因及四天王
各說神呪已達佛三市頭面禮足各還復坐

十住斷結經卷第十三

二十四

莫四

愁和荆音烈反泡音拗僉然上七康反妓行上渠反
之鬼喘息上尺反娛樂音愚誹芳尾反參差上

法有相貌耶言流布乎對曰無也又白佛言
是時軟

十住斷結經卷第十四

莫五

姚秦涼州沙門竺佛念第二譯

夢中成道品第二十六

爾時治地菩薩即從座起右膝著地叉手白
佛言世尊甚奇甚特今聞軟首菩薩得與最
勝論無形法道無言教未曾所聞未曾所見
便爲紹繼佛種不斷又行佛事不思議法佛
告治地如是如是如汝所言從億百千劫積
功累德興顯佛事者曾耗減有佛出世法乃

流布

是時軟首前白佛言諸佛出世法乃流布諸

音遙反哭泣也丁西詩忍踰羊朱反越也晉
泣上胡慤陟降反挾懷也跋拔下音求一
憤亂上俱妹反惱望二字戰阻澁菩薩名也
心煩亂也慚望二字戰阻澁菩薩名也